

卷十

初生護養

月裏諸疾

變蒸

虎口紋

三關脉

吐瀉

驚風

疳病

瘡疾

痢疾

傷寒

痘瘡

診家樞要

訂補明醫指掌卷之十

仁和雲洲皇甫中編輯

長洲念山邵從皇校訂

男 繩山邵達泰補

小兒科

初生護養一

歌十月嬰兒初孕育。肌膚未實陰未足。正當生下未啼時。急以拭去胎液毒。黃連甘草硃蜜使免致斑。瘡天死速。五六日間臍未乾。縱然炎熱休頻浴。但將故絮遮其身。下體單寒常露足。見些風日有何

妨月裏頻啼纔是福。胎毒胎熱得以伸。熱氣隨啼
無蘊蓄。勿令過愛不置懷。免與新綿重被覆。昧者
重綿尙恐寒。乳哺不離猶恐哭。但見微風便感寒。
纔聞音響時驚愕。做出疾病不可言。所以富兒多
命促。我嘗諳此歷驗之。故此子孫多易鞠。

論

夫嬰兒在胎稟陰陽五行之氣。以生臟腑百骸氣

血筋脉。其形雖具。肌體未實。骨格未成。陽氣旣足

陰血未全。所以不可太飽煖。以銷其陰。此丹溪先

生之大戒也。然兒在母腹中。必藉母氣血所養。故

母熱則子熱。母寒則子寒。母驚則子驚。母弱則子

弱。所以有胎熱胎寒胎驚之證。初生未啼時。口中
尚有惡汁。急令拭去。更用甘草黃連硃砂蜜頻與
之以解三穢液毒。不惟無驚熱之患。抑免痘疹之
憂也。月裏常令啼哭。則胎中所受熱毒從而散之。
胎中驚氣得而解之。則旬日之間無重舌木舌日
噤胎風胎熱胎驚之病。斷臍後臍或方褪而尚未
乾燥。頻浴之。則風濕侵入臍中。而有臍風撮口之
證。乳食太多。則有吐乳泄利腹痛痰涎驚瘡風癩
之證。綿衣大煖。則陰內鉗。使兒嬌怯多病。畧見些
少風寒。便易感冒。皆保重太過之所致也。所以貧

兒堅勁無疾。富兒柔脆多夭。譬之草木。方生以物覆蓋緊密。不令見日風雨露。則萎黃柔弱必死。今之昧者。往往懼此而不能育養其子。後之子益加珍愛。尤悔前子之不飽煖而死。竟不知其過愛而反害之也。嗚呼痛哉。

○初生證

○小兒初生下。口中尚含胎血。如有手快穩婆。隨即以手幹出口中血與宿汁。此是胎毒。用拭穢法。有兒生下卽死者。可看上腭有泡急以摘破。綿拭去血。血勿入喉卽活。

○小兒初生氣絕不能啼者。以綿衣包。勿斷臍。將胞火上燒。仍將大紙撚蘸油。點燈燒臍帶。卽活。

○如生下二便不通者。急令人以湯漱口。吸咽見前。後心及手足心。臍下共七處。紅赤爲度。

拭穢法。預以甘草細切少許。臨產時以綿裹沸湯。

泡盞內覆溫。收生之際。以軟綿裹指蘸甘草汁拭其口。次用黃連細切。沸湯泡良久。濾淨。拭兒口中吐去惡汁。更與硃砂一大豆許。細研。以蜜一蜆殼調勻。抹兒口。服之。非獨鎮心定魄安神解毒。更能益肝膽。除煩熱。辟邪氣也。

○月裏衆疾二

歌寄語人家初誕兒。勿令頻浴水侵臍。或緣客氣相
冲忤。撮口臍風病患危。木舌噤風誠可畏。十朝內
染却難醫。生黃生赤兼生嘔。胎熱胎寒胎瘦肥。更
有胎驚并內癰。臟寒不乳夜間啼。皆因稟受胎中
毒。致使初生病染軀。五日以來便溺閉。要將良法
急通之。若還妊母遵胎教。寧得嬰兒此症罹。

論夫初生嬰兒。如草之萌芽。花之嫩蕊。血氣未充。肌
膚未實。稍有傷觸。爲患匪輕。故古人以芽兒名之。
此兒初斷臍之後。不可頻浴。不惟風濕侵臍。抑且

風寒感冒爲病。莫當若臍嫩入水。便有臍風之患。不禁生人。或異物觸性。便有口噤客忤。驚啼厥逆之變。乳食重復。不能消尅。便有吐瀉生痰氣逆之病。過於湯煖。則陰消內熱。便有生赤生黃瘡瘍丹疹赤目。重舌木舌之病。過涼則臍冷。便有夜啼腹痛泄利。盤腸內虧之疾。然調理之法。在乎適中可也。有受胎氣成病。如噤風木舌風者。由胎中感受熱氣流毒於心脾。故形見於喉舌。生下復爲風邪搏擊。名曰犯風噤也。撮口臍風者。亦由胎氣挾熱兼風熱入臍流毒心脾故也。若母恣食熱毒辛辣。

則生子成胎熱病。嗜食生冷。則生子成胎寒。胎母
受濕而傳於胎。則子孫下發黃如金。名曰胎黃。母
受熱而傳於胎。則子孫下肌膚赤如丹塗。及爲胎
肝胎瘦之候。若懷孕受驚者。則明裏有胎驚癇瘵
之病。若婦恣食肥甘酒麪野蔬腥膻。一應寒熱
之物。及動止無忌。故令兒不寒則熱。不虛則怯。熱
則壅。寒則作泄。虛則作驚。怯則作結。善爲治者。寒
則溫之。熱則涼之。虛者壯營。怯者益衛。驚則安神。
結則微利。壅則清解。泄則固脾。風則祛逐。濕則分
消。痰則開豁。

○胎黃

見生下遍體黃如金此胎中受濕熱也其澄壯熱大便不通小便如梔汁乳母可服生地黃湯加茵陳忌食熱毒之物○

生地黃湯 乳母服亦與兒服。

生地 赤芍 川芎 當歸 花粉等水煎服

○胎赤

小兒月裏遍身生赤肌如丹塗者此胎中受熱毒也母服清涼飲子外以藍葉散塗之

清涼飲子 治一切裏熱血熱

當歸 赤芍 甘草 大黃 石水煎服

藍葉散治一切丹毒赤腫身熱風熱毒盛赤如丹塗
藍葉浮萍水苔同研爛絞汁調朴硝土硃塗之
○發嘔

見初生下便嘔者此由拭口中穢血不盡咽下故
令兒吐也木瓜丸主之大哭後食乳而嘔者必乳
停膈中氣不宜通故嘔也消乳丸主之即稍食丸見變蒸門
木瓜丸

木瓜末 木香末 檳榔末 麝香各一

蜜丸粟米大每服三丸背草水下

臍風撮口口噤

初生兒有三病。一口噤。一撮口。一臍風。皆是急病。
噤口尤甚過一臘方免。此症初生七日內外。忽口
噤不乳。與撮口相似。但口噤面赤多啼。口不吐白
沫。與撮口而青啼不出口。吐白沫者異。將天南星
去皮臍。研爲細末。龍腦少許合和。用指蘸生薑汁
同藥末於大牙根上擦之。立開。

臍風者。壯熱痰盛。眼翻口噤是也。天麻防風丸
撮口者。唇撮聚不能開。蠲稍散。

錢孔純云。臍風撮口。若兩眉青色。臉赤腹脹。不可

用藥。聖惠方云。先撮口而生瘡。若瘡邊青黑。撮

口不開。是爲內搐。不治。爪甲青黑。卽死。

天麻防風丸。方見驚風

蝎梢散。治百日内撮口。瘡風及胎風。

蝎梢四十箇僵蠶四十箇片腦少許麝香少許

先將薄荷包札蝎梢僵蠶在內炒。薄荷葉乾爲度。共研細。入腦麝末研勻。用紫雄雞肝煎湯調下。

○胎驚

胎驚者。生下至月裏。就驚。踢抽掣握拳發熱者。抱龍丸。至聖保命丹。○按前症是內臟感受。發爲真

搗難治發不雨三次必死。

抱龍丸 治驚風痰喘咳嗽保肝使心火不熾也。

天竺黃雨雄黃 硃砂各五錢膽星四兩

右研極細末蜜丸龍眼大每服一丸薄荷湯調下

至聖保命丹 治胎驚搐搦痰盛及一切急慢驚風

天南二炒僵蠶炒去絲防風各五錢全蝎三十箇去

白附子炮天麻炒蟬蛻各四錢雄黃一錢麝香少許

右末蜜丸一錢重硃砂金箔爲衣薄荷燈心湯下

○胎熱

胎熱者胎中受熱也大小便不利丹毒瘡瘍赤疹

赤目重舌木舌口瘡是也大連翹飲五福化毒丹

柴胡 防風 荆芥 連翹 黃芩 山梔

木通 滑石 車前 瞿麥 蟬蛻 赤芍

甘草 便秘熱盛者如大黃

五福化毒丹

玄參_{三兩} 桔梗_{三兩} 甘草_{七錢} 牙硝_{五錢} 青黛_{一兩} 人參_{七錢}

茯苓_{半兩} 一方加黃連_{一兩} 未之煉蜜丸一

錢硃砂衣薄荷湯下。瘡疹後餘毒上攻口齒臭氣

生地黃_{化下}

胎寒。胎寒腹痛泄而不乳。用白薑散當歸散。

白薑散 治胎中受寒腹痛不乳

木香 檳榔 陳皮 甘草 肉桂 白薑等

每服一錢水一合煎以綿蘸吮之嘔加木瓜丁香

當歸散 治胎中受寒厥逆便青心腹疼痛內釣

當歸 錢二 木香 肉桂 人參 甘草 薑棗前

○胎肥胎瘦

胎肥生下肌肉厚。遍身色紅滿月後漸漸羸瘦。眼粉紅五心熱大便難時時生涎胎弱生下面無神氣肌肉薄大便白水。時時硬氣多噓目無精光肥

瘦竝用浴體法

浴體法

天麻

三錢 蝎梢 大毒

硃砂

五分 麝香 字一

白礬

三錢 青黛 三錢

錢

烏蛇肉

三錢 酒浸 焙乾 爲末

右同研勻。每用三錢水三碗。桃枝一握。葉四五葉。

同煎十沸。溫浴。勿浴背。

變蒸三

論夫兒臟腑未全。民長養之時。必變蒸。變則氣升。蒸

則熱。八蒸十變。始成人。

論夫小兒初生。形體雖具。其氣血精神。志意竟竟。俱